

CAROLOMANNVS REX GERMANIAE.



Carolomānus filius fuit Ludouīci regis Germanie, nepos Ludouīci pīj, & pronepos Caroli magni. Erat hic egregiæ indolis adolescens. Itaque pater eum ad partem Orientalem contra Morauos & Bulgaros adhuc uiuens præsidere iussit. Cum autem ipse moreretur, fratres tres ad Saluedas conueniunt, ac Imperium paternum (ut pater statuerat) inter se partiuntur. Carolus minimus natu Rhetiam, Sueuiam, Alsatiam, superiorem Lotharingiam, atque eam Germaniam, quæ in Gallia Celtica sita erat, accepit. Ludouicus uero inferiorem Lotharingiam, Belgas, Mediomatrices, Treuiros, Aquasgraneas, Vbios, Moguntinos, Francos, Bathauos, Frisios, Saxones, et Turogos retinuit. Carolomānus uero, qui natu erat maximus, regnum Boiorum, Sclauorum, Bohemorum, Morauo-